

章氏遺書

第三十册

章氏遺書外編卷第八

永清縣志三

輿地圖第一

史部要義本紀爲經而諸體爲緯有文辭者曰書曰傳無文辭者曰表曰圖虛實相資詳略互見庶幾可以無遺憾矣昔司馬氏勅定百三十篇但知本周譜而作表不知溯夏鼎而爲圖遂使古人之世次年月可以推求而前世之形勢名象無能蹤蹟此則學春秋而得其譜厯之義未知溯易象而得其圖書之通也夫列傳之需表而整齊猶書志之待圖而明顯也先儒嘗謂表闕而列傳不得不繁殊不知其圖闕而書志不得不允也嗚呼馬班以來二千年矣曾無勑其例者此則窮源竟委

深爲百三十篇惜矣

重夕ノ

嘉業堂刊

鄭樵圖譜之略自謂獨得之學此特爲著錄書目表章部次之法爾其實史部鴻裁兼收博采並存家學以備遺忘樵亦未能見及此也且如通志紀傳悉仍古人反表爲譜改志稱略體亦可爲備矣如何但知收錄圖譜之目而不知自勘圖體以補前史之所無以此而傲漢唐諸儒所不得聞寧不愧歟又樵錄圖譜自謂部次專則易存分則易失其說似矣然今按以樵之部目依檢前代之圖其流亡散失正復與前不甚相遠然則專家之學不可不入史氏鴻編非僅區區著於部錄便能保使無失也司馬遷有表而周譜遺法至今猶存任宏錄

圖鄭樵云任宏校兵書有而漢家儀制魏晉已不可考

則爭於著錄之功小勗定史體之功大其理易明也

史不立表而世次年月猶可補綴於文辭史不立圖而
形狀名象必不可旁求於文字此耳治目治之所以不
同而圖之要義所以更甚於表也古人口耳之學有非
文字所能著者貴其心領而神會也至於圖象之學又
非口耳之所能授者貴其目擊而道存也以鄭康成之
學而憑文字以求則娑尊詁爲鳳舞至於鑿背之犧既
出而王肅之義長矣以孔穎達之學而就文義以解江
源出自岷山至金沙之道旣通而緬志之流遠矣此無
他一則困於三代圖亡一則困於班固地理無圖學也

地理志自班固始故專責之雖有好學深思之士讀史而不見其圖未免冥行而擲埴矣

唐宋州郡之書多以圖經爲號而地理統圖起於蕭何之收圖籍是圖之存於古者代有其書而特以史部不收則其力不能孤行於千古也且其爲體也無文辭可以誦習非纂輯可以約收事存專家之學業非文士所能史部不與編摩則再傳而失其本矣且如三輔黃圖元和圖志今俱存書亡圖是豈一朝一夕故耶蓋古無鐫木印書圖學難以摩畫而竹帛之體繁重則又難家有其編馬班專門之學不爲裁定其體而後人溯流忘源宜其相率而不爲也解經多舛而讀史如迷凡以此

也

近代方志往往有圖而不聞可以爲典則者其弊有二
一則逐於景物而山水摩畫工其繪事則無當於史裁
也一則廁於序目凡例而視同弁髦不爲繫說命名釐
定篇次則不可以立體也夫表有經緯而無辭說圖有
形象而無經緯皆爲書志列傳之要刪而流俗相沿苟
爲悅人耳目之具矣則傳之旣久欲望如三輔黃圖元
和圖志之猶存文字且不可得而況能補馬班之不逮
成史部之大觀也哉

圖體無經緯而地理之圖則亦略存經緯焉孟子曰行
仁政必自經界始釋名曰南北爲經東西爲緯地理之

求經緯尙已今之州縣輿圖往往卽楮幅之廣狹爲圖體之舒縮此則丹青繪事之故習而不可入於史部之通裁也今以開方計里爲經而以縣鄉村落爲緯使後之閱者按格而稽不爽銖黍此圖經之義也

沿革

沿革作表體而列於圖首者輿地以圖爲主而沿革所以標其眉目義從其所重也漢書三統甲子亦表體也而入於律志是其例矣

朝代	統部	州郡	縣境
唐	冀州		
虞	幽州		

夏	幽州		
商	幽州		
周	幽州	燕	
戰國		燕	方城東境
秦		上谷郡	方城東境
漢高帝		燕國	益昌縣地
漢武帝	幽州	涿郡	益昌縣地
昭帝元鳳元年	幽州	廣陽郡	益昌縣地
宣帝本始元年	幽州	廣陽王國	益昌縣地
漢元帝永光三年	幽州	涿郡	益昌侯國地
東漢世祖建武十二	幽州	涿郡	方城縣東境

明帝永平八年	幽州	渤海郡	安次縣西境
魏	幽州	廣陽郡 范陽郡	方城縣東境 安次縣西境
晉	幽州	范陽王國 燕國	方城縣東境 安次縣西境
後魏	幽州	范陽郡 燕郡	方城縣東境 安次縣西境
北齊	東北道行臺	涿郡 燕郡	故方城縣東境 安次縣西境
後周	幽州總管府	涿郡	故方城縣東境

隋文帝開皇三年									
開皇六年									
煬帝大業中									
大業七年									
唐高祖武德元年									
太宗貞觀元年									
河北道採訪使	幽州大都督府	幽州	涿郡	涿郡	幽州	幽州	燕郡	安城縣西境	故方城縣東境
幽州	幽州	涿郡	涿郡	涿郡	幽州	幽州	燕郡	安次縣西境	固安縣東境
固安縣東境	安次縣西境	固安縣東境	通澤縣 尋復舊	安次縣西境	固安縣東境	安次縣西境	故方城縣東境	安次縣西境	固安縣東境

武后如意元年	河北道採訪使	幽州	安次縣西境
景雲元年	河北道採訪使	幽州	武隆縣治
元宗開元元年	幽州防禦大使	幽州	會昌縣治
二年	幽州節度使	幽州	全上
天寶元年	范陽節度使	范陽郡	永清縣治
肅宗寶應元年	幽州節度使	幽州	永清縣治
五代梁唐		幽州	永清縣治
遼太宗會同元年	南京道	幽都府	永清縣治
		盧龍軍	
五代周世宗顯德六年		霸州	永清縣

二十一年	九年	元世祖至元元年	元太祖十年	海陵貞元元年	七年	金太宗天會三年	宣和五年	徽宗政和三年	仁宗景祐二年	宋初
直隸中書省	大都	中都	燕京路總管	中都 初名聖都	河北東路	燕京	燕山路	河北東路宣撫使	河北路	河北路
大都路總管府	大興府	大興府	大興府	大興府	析津府 並置信安軍	析津府	燕山府	永清郡	霸州防禦	霸州
永清縣	全上	永清縣	永清縣	永清縣	永清縣	永清縣	文安縣地	文安縣地	文安縣地	永清縣

明太祖洪武元年	山東行省	北平府	永清縣
三年	北平行省	北平府	全上
九年	北平府	北平府	全上
成祖永樂元年	北京行在	順天府	全上
英宗正統六年	京師	順天府	全上
本朝順治元年	京師	順天府	永清縣
康熙二十九年	京師順天府	南路同知	永清縣
永清沿革自唐以前最爲糾紛難考見於史志惟漢嘗置益昌縣後漢省之由三國六朝以訖於隋始暫置通澤縣尋廢至唐武后如意中始立武隆縣景雲中改會昌縣元宗天寶元年乃立永清縣名以故舊志於唐以			

前東漢而後歷南北諸朝一概削而不載至漢以前因
史無明文遂云周秦無考而五代以後又不載宋與遼
金南北得失始末而并不知唐置永清與今縣大小異
形宜其考沿革者竟如治絲而棼之也按酈道元水經
注方城縣東八十里有益昌縣故城方城爲今固安縣
地括地志方城舊城在今縣東南十七里方輿紀唐書
要所引地理志如意元年分安次縣置武隆縣是則後漢省縣
以後當以方城東境安次西境爲今永清地蓋縣雖廢
而地境方隅固可考四至而得也至周秦之間雖無明
文可考然方城故城旣在今固安縣境內而益昌故地
又在方城縣東自宜以永清爲古方城東境而方城之

名見於國策趙使李牧拔武遂方城徐廣曰武遂屬河
閒方城屬涿正其地也至西漢既立益昌縣則溯沿革
者自宜於此始定專名然漢縣疆域較今爲廣後漢廢
益昌爲安次縣地唐又析安次爲永清縣地周世宗顯
德六年取益津關置霸州仍治永清五代史職方考則東至安
次卽東安南至霸州皆益昌故地而舊志以益昌全縣竟
以今永清縣當之非其質矣又酈道元爲元魏時人元
魏改安次爲安城其時縣故未廢而水經注稱益昌故
城不曰在安城境而曰在方城縣東則固安亦有益昌
舊地可知而舊志概未之及殊不可解至永清名縣雖
始於唐而周世宗未置霸州以前則永清兼有霸州之

地亦不得以今之永清而遂當唐縣也隋置通澤縣不見於地理志太平寰宇記云隋末廢蓋大業七年所置置不久而旋廢故地志不錄而舊志乃云唐武后改通澤縣爲武隆縣亦失記事之實至石晉而後入於契丹周世宗置霸州治永清縣宋景祐中以永清省入文安金太宗復永清縣隸析津府史志厯有明文而舊志竟以宋惟遣兵戍守未建縣治全削宋金南北互有之文則尤爲妄矣蓋北宋自仁宗景祐以前永清仍周之舊

太平寰宇記載河北道
幽州永清縣最爲明顯

景祐以後永清併入文安縣地

至徽宗宣和中文安尙隸燕山府徽欽而後乃入於金

而畿輔通志則直云析津府六州十一縣

永清在內遼天祚

帝保大末年入金天輔七年入宋宣和五年屬燕山路
尋仍入金轉似周末北宋時未嘗爲南朝所有者則不
知其何所據也按遼保大末年卽宋宣和末年徽欽失
守而地入於金前此未嘗非宋有也金天輔七年爲宋
宣和三年宋史徽宗本紀宣和四年十月改燕京爲燕
山府五年正月命王安中爲燕山府路宣撫使知燕山
府四月金遣楊璞以燕京涿易等州來歸此皆當遼保
大之末安得倒置年月謂由遼入金由金入宋然後仍
入於金乎蓋通志惟據遼史地志見有析津府六州十
一縣之全文以謂志旣全載疑遼始終有之故附會保
大末年入金之說耳

保大末
爲遼亡

不知史志之文皆據一朝